

雜
劇
三
集

城南寺

漢臣黃家舒著

褐衣僧輕薄曲江春

正名

杜舍人證果城南寺

第一折

春容組艷
不學西廂
何神似也

生扮杜牧之上蓋世文章金馬門。風光領袖六街春。珠簾不捲紅樓面。留待花間得意人。小生姓杜名牧。字牧之。京兆人氏。新中狀元及第。未及授官。則爲我弱冠登科。聲振京邑。盛名之下。醉應甚煩。

這城南有一文殊古寺、水竹清深、欲往隨喜片時、
都未得暇、聞得官制將下、已著奚童伺候去了、想
我少有逸才、下筆成詠、今日托賴聖恩、科名鼎貴、
翰墨風華、好生榮豔也、

仙呂點絳脣綠髻年韶、綵毫香老、承恩早、酒映宮
袍、妬殺長安道、

混江龍聽臚傳唱惱、誰似我洛陽才、三都賦、占斷
向杜陵豪、彤墀日近、御墨烟飄、沙堤綉擁、綺陌青
饒、千官劍佩、萬戶笙簫、綺羅人煖、珠翠春翹、籠鞭

壓轡簇仗鳴鑾。夢中花都吹綻。在紫紅枝墨池魚。
直飛上了風雲沼。暢好是機雲再世。班馬今朝。
童上玉佩趨青瑣。天書下紫闥。相公已奉聖旨。除授
相公中書舍人兼知制誥了。

油葫蘆

生

則見你彩鳳銜書下碧霄。道郎官畫省

標。取次的九重春色醉仙桃。

童想中書舍人好生

清要哩。

生

是也。便河陽花。怎應得芙蓉幕。便綉衣

郎。怎奏得清平調。則我這侍黃昏長樂鐘。承紫禁
君王召。鬱輪袍已換取明光草。又何須痛飲讀離

笑殺天下人

騷童方纔我在朝房中、伺候聖旨時節、見那一個不讚相公詩賦來、

天下樂生不在我一字吟成萬恨消、雲霄借羽毛。

雖然如此、想從來知音的能有幾人、半爲我集賢仙客。人年少、就是我這幾篇詩賦。若沒有今日科名呵、險做了龍門藏的書。長沙招的魂、玄亭解的嘲。江頭投的瓢、全虧著一聲雷幫襯好。童各鎮節度、都有書通候相公咱。

那叱令生這的是凌雲筆、驚動了龍旗豹韜。童各

府公侯勛戚都遣禮相賀。**生**這的是瓊林宴壓倒了玉璽金貂。**童**朝中公卿大老也都來盡了。**生**這的是含香署開翻了鸞臺鳳閣。**童**那四方山人遊客詩僧舉子紛紛投書相見却是爲何。**生**這的是李膺門自薦書孔融座通名表道是我西京冠冕東壁瓊瑶。**童**聞得相公十里鶯啼綠映紅與玉人何處教吹簫二詩已入御前承應便是這些教坊歌妓都說今年狀元不比往常哩。

寄生草

生

映綠題山郭。吹簫憶畫橋。却原來禁烟。

詩早譜入梨園調。陽關疊早彈。遍銀槽。索柘枝詞。
早舞落。研光帽。便道那。年年桃李上林饒。須知這。
聲聲璧月瀛洲少。我旣已授官。明早可收拾入朝。
謝恩歸來。往文殊寺去者。童曉得。

煞尾

生

仙掌日華高。火樹星榆落。投至得東華春。

曉。少不得破寒窗。新夢朝鷄報。安排著錦袖飄飄。
受用些爐香繚繞。但則索謹隄防紫駟驕。蹊蹠章。
臺悄。望銅駝路遙。盼金鸞歸早。我待要踏青郊烟。
寺草蕭蕭。下。

第二折

外扮僧上。空華身世兩無憑。百歲風前短焰燈。只恐爲僧僧不了。爲僧若了總輪僧。老僧無名禪師是也。皈心西土。寄跡南城。則爲這五濁昏昏。三塗擾擾。利障易消。名根難盡。多少有智慧奇男子。埋沒在應舉登科。多少沒結果小前程。破壞了生天成佛。俺待與指示迷途。同還覺路。爭奈他識情流浪。緣業牽纏。熱噉噉講經說法。反添下人我幢高。虛飄飄因果輪迴。怎喚得繁華夢醒。算來不如依

樓雲水斷絕見聞。直到那眼耳鼻舌俱歸寂寞。方纔信山河大地立變虛空。且喜掛搭以來地僻人稀。囂塵罕到。撚指又是三十年了。今日却纔出定。早午齋時候也。正是僧臘階前樹。禪心城外山。下生童上蓮萊。闕下是仙家。上路初迴白鼻騮。試向城南尋古寺。雲林深處日初斜。我杜牧之朝罷回來待往文殊寺去者。

雙調新水令

每日價宴櫻桃花柳曲江池。且偷閒

春山遊屐。溪橋隨款段。風景愛招提。則今日珮解。

龜携還怕這綠衣郎。有人識下外上伏念調狂象。
安禪制毒龍。齋過後且去打坐者。生童上迤逦行
來已到文殊寺了。進得寺門真好清幽也。

駐馬聽 寶鐸音吹。隔斷紅塵三十里。虛堂寥寂。蛛
絲馬跡。篆烟微遍。迴廊風雨。卧荒碑滿。空堦苔蘚。
埋幽砌。步斜暉。讀殘經。翻落松風裏。且進禪堂看
者。

步步嬌 花木蕭疎。清涼地。曲徑通禪室。暮鼓間晨
鐘。磬原來有僧入定在此。則見他擁短褐。無言獨

掩扉把身心。覺後持等世界浮漚寄。且待他出定時。問些佛法呵。

殿前歡

俺可也謾躊躕。等得箇蒲團坐。落雨花飛。

抵多少。楞嚴一卷心如洗。似這槁木寒灰。應不在著袈裟。任翠微。僧起相見。介。生來稽首忙投地。乞伊行半句曹溪偈。要做今生寶筏。風世金篦。外。原來先生要問佛法。請先生坐了者。生。好一個禪師也。

攪箏琵琶

面慈悲。梅檀器容真實。龍象圖。請問禪師。

法號家鄉一一見示。外既已忘名。有何法號。偶然掛搭。那記家鄉。說他則甚。生道行藏大海水浮萍。論姓氏未生前黑漆來。此幾年曾否募齋結緣。登座說法。外則貧僧在此三十年。一齋一粥。並不曾出這方丈也。生原來如此。美殺你護經簾朝共夕。與軍持作侶。共水榻相知。拾黃葉爲衣。煮栢子充饑。印雙趺肯踏門前地。還自愧紫陌紅塵騎。外先生高姓大名者。生小生姓杜。名牧。字牧之。世居杜曲。與寺中相去不遠也。

沉醉東風。居和止。爭些咫尺字和名。有甚依稀便。
做道面龐兒。不厮親也。應知耳朵裏。曾聞說。但相
逢。不用著殷勤懷刺。試看取。世上詩名榜上題。怎
茫然面壁。外接語良久。到不曾問得先生所業何
事。童這師父好呆。難道不曉得今年狀元及第。是
什麼人。外貧僧不知。童好奇怪。方纔師父說不出
方丈的。想因此還未得知。只是難道舊年省元。就
出在這杜曲坊中。却也忘了。外貧僧也不知道。童
怪事怪事。

折桂枝

生

呀兀道是杏園紅到處光輝都付與人
靜山空猿笑鷗疑說甚麼御苑芳菲玉堂各位珂
里門楣自榮枯邴家仙桂乾塗抹漢殿蛾眉浪平
章珠玉淋漓漫驕奢珊玳葳蕤只落得走名塲奪
坐驚筵對山僧垂首支願我杜牧之省得了也待
吟詩一首者家住城西杜曲坊兩枝仙桂一齊芳
禪師都未知名姓始識空門意味長我杜牧之省
得了也

雁兒落

那紫耶朱分明襤褸衣那棘耶槐分明兒

城南寺

童戲。那絲綸閣。分明短排塲。那鳳凰池。分明虛筵席。

得勝令

錯認個名姓。列金緋。誰識是豪華。憑傀儡。

甫能勾喧闐車馬隊。又則索冷淡水雲扉。休提在。侍著進賢冠。空一世高低。只問這老頭陀。知未知。童相公問些佛法呵。外有甚佛法。則問恁未入寺時。曉得自己是個狀元。旣入寺後。還曉得自己是個狀元麼。若說曉得的是假。那不曉得的從何處來。若說不曉得的是真。那曉得的從何處去。則老

僧道未入寺門時。原沒有狀元杜牧之。只有個不曉得狀元的杜牧之。急須認取。便是無上菩提也。

生

多承指教。言下豁然。俺就此皈依者。

拜介

七弟兄

一霎時天竺界普皈依。永視我塵世劫免。

輪迴。三生石長留清淨身。慈悲塔不種貪嗔習。

收江南

呀。便到那畫麒麟。金印肘邊垂。對僧願記。

取破衲伴禪棲。大官厨自有肉中蠶。好風光只暗知。這的是蓮花寶座不沾泥。

童

你看夕陽將下。啼

鳥還枝。請相公歸去咱。

尾生

報龕前塔影西。似去住暗中催。報枝頭春鳥

啼。似衰盛景中移。從今後把莽才華。傻風流。喬甲
第齊向這空門收拾。過去的燈火寒鷄。總喚做望
蜜爭梅。現在的烏紗錦綈。總看破糞積泥堆。未來
的得喪歡悲。總叅到圓寂。茶毘怎扯得睡鄉遊莊。
非蝶非怎。託得武陵源人。迷路迷原。不消五湖舟。
鱸歸菜歸。也不勞神武門冠。遺劍遺何待哭北邙。
山松壘栢壘。何待弔雲陽市波。危浪危只這白雲。
堂風移日移。紫微郎來遲去遲。尋常話心灰意灰。

功。名。事。驚。誰。曩。誰。泥。金。報。泡。兮。幻。兮。青。衫。淚。悲。痴。
恨。痴。行。脚。緣。炎。宜。冷。宜。湮。槃。因。閒。持。鬧。持。呀。早。了。
却。夢。黃。梁。許。多。興。廢。下。

西
臺
記

西臺記

晚菴陸世廉著

第一齣

表貞臣志
節易寫義
土胸懷難
妙在不矜
浮艷實地
描摹肝膽
遊眉具見

商調鳳凰閣

生扮謝翺小生扮鄒灝各冠帶家人

隨上

生江天殘照恨煞孤忠難效劍光橫厲影蕭

蕭幸得故人相靠

小生

事機堪笑枉白了風霜髣

毛

生

漫將書劍學從軍塞草寒烟帶夕曛小生浪

說野謀能補國笳聲已徹嶺頭雲相揖介生小生

謝翺字臯羽建溪人也蒙故人文丞相檄至幕府

與至友三衢鄒瀨共叅軍事。雖則言聽計從。素心晨夕。但山河破碎。江南無一寸乾淨地。事勢已去。將來如何措手。**小生**事之不可爲。小弟亦稔知之。但食人之食者。當終人之事。况已毀家爲國。區區成敗利鈍。總不必計較了。**內鼓吹介生**丞相升帳了。且同進見。**外扮文丞相**引衆上。

遊地遊

外文臣擁燾。故國摧如掃。看機槍猶森芒。

角風塵繚繞。平白地乾坤顛倒。空彈徧腰間寶刀。

外日輪誰復更揮戈。怕聽軍前盡楚歌。事到白頭。

終是盡廬陵忠義古來多、下官文天祥字宋瑞、廬陵人也、起自巍科、驟當國難、賊臣誤國、遂有銜璧之事、趙家三百年山河社稷、俱付烟草矣、我不度德量力、思整一旅、以圖後勁、幸謝鄒二君遠來相助、天意人事、尙未可知、但孤軍無援、難以自存、且待二君來商個計策、一生進見介外、今故國已墟、二王南邁、北來軍聲益熾、我獨力難支、請問二公計將安出、生明公以局外之身、遠赴國難、事之濟否、所不敢知、然旣許國、便當死生以之、惟有號召

東南聯絡忠義盡我心焉而已。小生明公以忠義自矢。天日鑒之。今日之事。有進無退。至于戰守機宜。還須與張都統細細商量。互相表裏。外二公實啟我心。適已遣使請張都統去了。

高陽臺 外 荊棘銅駝。宮城禾黍。中原極目烟消。回首臨安。無情最是江湖。堪誚孤臣泣血。誰知也。空自負氣冲晴顥。二位難道便出師未捷。營星先落。**前腔** 生 英豪葉榜名標。綸扉身踐。從來望實崇高。今日呵折戟沉沙。還將認取前朝蓬飄。六飛早已

逾江徼。論君恩。敢忘圖報。願明公重奠封疆。再安宗廟。

前腔

小生牢騷。刁斗宵嚴。羽書旁午。霜風破裂旌

旄。共濟艱難。忍教山鬼招搖。祖鞭先著。須知道。况明公丹忱可表。且從容整轡長驅。肅清沙漠。未扮

張世傑戎服引衆上。徒將熱血染征袍。萬里胡天鳥不巢。欲搗狼胥清瀚海。只今誰是霍嫖姚。自家張世傑的便是。我赴難勤王。提兵到此。恰與文丞相義師相值。適丞相有事相商。差官來請。須索走

一遭、雜稟元帥、到相府了、末快通報、報介外出迎
介、末老丞相、你一旅孤軍、長城萬里、世傑一籌莫
展、能無厚顏、外大元帥、你龍韜素裕、麟閣可期、今
日天祥得恃以無恐、非公而誰、二生進揖介、末二
位爲誰、外幕僚謝翱、鄒淵、皆天下有心人、天祥知
己也、末世傑聞名久矣、觀此邂逅、殊慰平生、請坐、
各坐介、生今日事勢有同壓卵、丞相孤軍無援、難
以自立、所以屈麾下相商者、正欲君戰于前、我承
于後、左提右挈、共成犄角、猶庶可徼倖于萬一耳、

小生尤有請者。北兵益進。江閩俱爲戰場。厓山一片地。恐非乘輿久頓之所。願元帥別作良規。早圖安攘。天若祐宋。事或猶可爲也。外今日事勢爲之極難。但我輩爲人臣子。死生以之。又遑恤其他。末世傑亦辦此心久矣。事若不濟。決不使丞相獨死。事難預度。且隨機而應便了。

前腔 末相遭白馬歸周。金人辭漢。况兼陽九方驕。力弱難支。何處更築函嶠。無聊。脩脩予尾堪悲悼。望伊家共相聯絡。但使我犁庭有日。卽覆巢重保。

前腔末鞭梢身在我行。職司閫寄。幾回夢裏推敲。
念亂圖存。總須將相和調。今朝寸心相語。傾懷抱。
論交情。敢忘期約。望君家。膚功早建。俺也得分餘
耀。

前腔二生難料。片石干鈞。一絲九鼎。當機若個堅
牢。計切安危。祇惟憑藉同袍。相邀今朝。把臂通談
笑。又何日再圖傾倒。惟願取兩情。莫逆千秋共表。
末多承指教。謹當銘之于心。不敢有誤。外安危共
之前途保重。

線大長江扇大天 塞垣高鳥沒狼烟

獨憐京國人南竄 門泊東吳萬里船

第二齣

淨扮博羅丞相引衆士立馬吳山第一峯、帝星不
復炤江東、靴尖趯倒長城塹、一統山河掌握中、噤
家博羅丞相的便是、我大元兵威遠震、所在投戈、
近日空坑一戰、遂使他隻輪不返、連那文丞相也
拏來了、豈非國家之幸、只是這廝意氣高岸、不肯
降屈于我、如何耐得他過、今日且喚他來、辱沒他

一番他亡國之大夫生死在我手中、還敢與我相
抗麼、叫聽事官、喚宋丞相文天祥過來、說相府有
話講、官應下、引外布衣、氈帽裹頭上

正宮破齊陣

外破陣子頭

痛煞家亡國破、深慚負

此頭顱、齊天樂、壯氣橫霄、丹心凝碧、夢裏幽懷安

訴

破陣子

坐聽飛鴻聲、淒楚翻羨蘇卿、禿節孤

殘軀、何有無、我天祥責任封疆、一朝喪敗、誤國之
罪、殺身莫贖、今日羈囚在此、惟願速死、以完全節、
如何、久不加誅、豈將以我爲留、夢炎乎、蒙古蒙古、

何不知我之甚也。**官**博羅丞相爺有命、請文爺講話。**外**彼亦丞相、我亦丞相、雖興亡事殊、名位等耳、相見間禮數不明、反爲不美、不去也。**罷官**丞相釣旨、誰敢有違、快去快去。**外**隨行介花外子規燕市月、柳邊精衛浙江潮。**官**此間是相府了、請在儀門少待、稟過相見。**報介**淨著他進來。**外**進見長揖介丞相拜揖、淨怒介天祥好無禮、你亡國之餘、見我如何不跪。**外**天祥生平讀書、此膝未嘗少屈、淨喝介這等無狀、你生死在我、猶敢說此大話、叫左右

拽他跪。衆推拽外。挺立介。天下事有廢有興。自古帝王以及將相。滅亡誅戮。何代無之。今日天祥至此。有死而已。

錦經道。讀詩書。負鬚眉。惟邦家是圖。竭節要匡扶。不隄防。天驕突地狂呼。怎免得戴南冠。便作囚俘。敢忘了楚三閭。身葬江魚。博羅你休者也之乎。那綱常萬古。怎忍少糊塗。今日裏相逢岐路。生和死總付一胡盧。**淨**。你說有廢有興。且道盤古到今。是幾帝幾王。**外**。怒介。一部十七史。從何處說起。我今

日非赴博學宏詞科何暇泛言

朱奴帶錦纏朱奴兄何須問升沉有亡何須問帝

王疆土得失從來水上鳧平生事只求完玉錦纏

道莫更泣窮途算將來厲鬼猶堪作後圖斧鉞曾

何怖但教青史不模糊淨你既不肯說且道古時

曾有人臣將宗廟城郭土地付與別人又逃去的

麼外奉國與人。是賣國之臣也。賣國者必不去去

者必非賣國者也。予除宰相奉使軍前尋被拘執

不意賊臣獻國國亡當死所以不死者以度宗二

子在浙東、老母在廣耳、

普天樂

今日裏欲圖存誰是主、欲投荒將安處、空

懸念白髮慈親、定省事怎教我日夜牽腸肚、况兼

他玉牒天潢、堪託付、

淨

汝棄德祐嗣君、而立二王、

可謂忠乎、

外

當此之時、社稷爲重、君爲輕、我別立

君爲宗廟社稷計耳、當日事別無他顧、但有人把

家當戶、效微軀、收拾殘疆剩土、

淨

自古帝王之立、

皆有受命、汝立二王、是篡也、

外

景炎度宗長子、德

祐之兄、不可謂不正、登極于德祐去國之後、不可

謂纂陳丞相以太后命奉二王出宮不可謂無所受命

普天帶芙蓉普天樂奉慈恩情難阻當壓紐儲堪

副況敷天左袒安劉存一綫且自支吾柰事去一

旦成莽鹵玉芙蓉到如今羞看禾黍滿王都淨怒

介汝立二王竟成何功外立君以存宗社有一日

則盡臣子一日之心何功之有

錦芙蓉錦纏道論君臣共安危忠猷是據臨事久

含荼到頭來天心高遠難呼沈埋了定鼎訐謨竟

蹉跎熱血先枯。**玉芙蓉**毫無補。只神明鑒諸漫尋思。寸心千古。幾行書。淨既知其不可。又何必爲。却不枉自勞心。**外**父母有疾。雖不可爲。無不下藥之理。今日天祥至此。有死而已。何必多言。

尾聲山河滿眼俱非故。猛回頭屋上瞻烏。長嘯介好笑。我欲別無家身草土。**下淨**他怎麼辭也不辭。徑自去了。我看他到底倔強。恐終不爲我用。且待奏過主上。再作區處。

一片降旛出石頭。夕陽西下水東流。

天涯盡處無征戰 空戴南冠作楚囚

第三齣

正旦扮天妃引女從上桑田變海谷爲陵、千古興
亡一盞燈、詫道春光好、風日、履霜早已積堅冰、小
聖天妃、閩中林氏女也、坐鎮滄海、驅策風濤、得制
人間死生、遂領千年香火、總之運數有定、勅旨難
違、小聖不過奉行文書而已、可憐趙宋三百年社
稷、數已垂盡、應是胡元入主中國、雖忠臣義士、極
力挽留、終亦不易、今帝舟顛覆、傾蕩無餘、只那都

統張世傑、擁兵海上、猶思再舉、彼亦劫中人也、豈能獨存、但其忠誠自矢、可與日月爭光、我已奏聞上帝、欲勅他共理海中政務、已奉俞旨、卽宜從事、左右、可傳我旨、請龍神議事、副淨扮龍神領風伯雨師上、蛟宮自昔鄰銅柱、海若依然簸雪濤、雜報介、龍神到、相見介、副淨娘娘宣喚小神、有何鈞旨、旦玉帝有勅、要將張都統世傑、分理海中諸務、今其數已盡、須煩龍神、覆諸水中、敦請受事、副淨此事風伯主之、可近前來、聽娘娘法旨、風伯謹受令、

且香骨長留天地間。清風遠拂珊瑚樹。同龍神先
下風伯。喚蝦兵蟹將。一班水族來聽我分付。雜水
族上風伯。天如有命。要覆盪張都統船隻。不得有
誤。雜應介。暫下末引衆急走上。

南宮游倖末鼓死無聲。兵罷莫進。看萬疊波濤震。

南風不競。帝宮何處。恐匡門難穩。摧頽盡。猶兀自
心頭耿耿。論死綏原是吾曹職分。敗矣敗矣。彌望
旌旗捲地來。樓船未許片帆開。汨羅移向鼃鼃窟。
欲踵巫咸。首重回。我張世傑。統領舟師十萬。扼住

海口、不意北師徑自岡門而入、阻截往來、帝舟聲
息、杳不相聞、如何是了、探子操小舟上、元帥不好
了、元兵已入厓門、帝舟不知去向、末驚介怎麼了、
可再打聽、速速回報、

紅衲襖我只道莽乾坤不遂淪、我只道舊朝廷猶
復振、誰知道北兵暗裏忙偷陣、反教我六飛咫尺
遠難尋、欲揚舫勢已吞、欲移屯無安頓、始信那海
島田橫、竟是一場兒戲也、死臨浸、伴鬼燐、探子急
操舟上不好了、不好了、帝舟已覆、百官從死、無一

個活底了。末大驚介。楊太后怎麼樣。探子還未知下落。末再探去。探子急下。末歎介。國家喪敗。遂至于此。我大宋以忠厚立國。三百年深仁厚澤。猶在人心。老天。老天。何不祐之甚也。

前腔 想當日裹黃袍。擁作君。想當日覆紫雲。開新運。重門洞闢。人心順。列聖相承。將古道敦。遜臨安。走粵閩。帝子孫皆隆。準那寢廟衣冠。猶月出閒游。也何到今朝。遂不神。探子上。報元帥。太后娘娘泊船山後。陸丞相抱少主。赴海慟哭一場。也自沉身。

了。末好太后、好太后、君死國、臣死君、太后又爲宗社死、千秋名義、相扶不壞、此我朝忠厚之報乎、舉國淪胥、我將安往、取辦香來、待我拜告天地。雜香到。末拈香拜介。我張世傑、爲國驅馳、間關萬里、一君死、復立一君、臣子之心力盡矣、天不祚宋、可速起風波、併覆我舟。

前腔我爲艱難、備苦辛、爲圖存、親行陣、頻年血戰、遭顛隕、今日裏、海天空濶、杳無津、死和生、莫更論、古來今、心自軫、老天、你還我個完節全名、大宋忠

臣也。赴江流。畢此身。風伯引水族暗上。作風勢。介衆駭。亂介。風起了。快拴了船。末看介。此風爲我。海若我知己也。不要嚷。隨他飄盪便了。衆亂滾介。遠望見有一片黑氣壓將來。船又拴不牢。怎麼好。末歸他。水族擁末作顛簸勢。遶場走介。

前腔末我虛飄飄。水上蘋。亂嚷嚷。風淒緊。馮夷爲

我先傳信。向滄波深處。早安身。水族擁末急走。漸推衆兵下水介。末滾潮頭似再領軍。赴龍宮如重開闢。留此一宗閒話。做個曲終餘奏也。宋綱常萬

古新擁末急下風伯好一個張都統船已覆沒我
事已辦回復天妃去

荒原空有漢官名 風雨聲中有戰聲
直入窮泉尋水底 不知知已是何人

第四齣

雙調北新水令 生引家童携酒肴上晦林泉形影
共蕭條聽啼猿數聲哀叫台星今已圯楚些遠難
招地下天高何處將愁心告相從幕府志堪旌匣
底雙龍夜作聲誰是信陵門下客不將成敗論生

平我謝翱向與鄒淵同在文丞相幕下一時共事
遂極相知、妄意收合餘燼爲一成一旅之事、不料
五坡一潰、丞相遂被拘執、雖天不我佑、然心亦盡
矣、乃事越三霜、不聞死耗、識者猶或疑之、近日始
得確信、知丞相已死、柴市丞相之事畢、卽我謝翱
與鄒淵之事亦與之俱畢矣、九鼎千秋、亦復何憾、
今日携酒肴到子陵臺下、招魂祭之、子陵清高、丞
相義烈、正自並行不悖、易地皆然、西臺一片石、與
天壤俱無窮矣、本擬與鄒兄同來祭奠、恐事或播

揚人來物色、反爲不美、只得瞞過他、獨自來此、小
廝可將我設立文丞相牌位、同祭禮、擺在臺下、待
我痛哭他一番、拈香奠酒拜介、丞相謝翱在此哭
介

駐馬聽 國事宣勞、便把山河一擔挑、勤王鞠旅出
質軍前、行趨板橋、艱難歷盡、路途遙走、伏叢篠、怕
人知覺、蕢荷山樵爲邦家也、顧不得身流落、想丞
相汎海而南、孫觀文殿學士、晉拜右相、時勢已岌
岌矣、掉行不願、從萬死一生中、睨勉經營、不遺餘

力至空坑一敗而志猶未已。卽天地鬼神能不爲之飲泣乎。**哭介**

折桂令 飛青雀不辭萬里波濤。撐半壁似諸葛綸巾。祖述鞭梢。怎便做伏櫪驂騑。羈攸孤鳳。受繫潛蛟。猛回頭伶仃洋險。重思省惶恐灘高。鯨波正驕虎口難逃。從此後只懷著夢裏君親。那免得身世蓬飄。丞相初聞你有黃冠歸故鄉之思。謝翱深以爲不然。男兒死爾。廬陵柴市。寃亦何所分別。今丞相已死。死得明白。死得乾淨。死得快活。然則丞相

未嘗死也。

雁兒落 你看那潑天風。駕海濤。鬱青霞。亘碧霄。總是那浩氣暗氤氲。忠耿相纏繚。丞相謝期在此。你還認得故人麼。

得勝令 想當日爲圖存。與你漆和膠。事關心到處。同悲笑。逞干戈。何時了。鐵心腸。空排調。憂焦知己。真難報。牢騷英雄恨未消。丞相請飲謝期一杯酒。痛哭介。

沽美酒 橫擺著梨花春。桑落酒。雪香醪。雞黍依然。

識故交。料得你夙心相照。早做了日星河嶽騎箕。
尾光生芒角。馭雲烟氣陵霜。鍰炳丹青風清寒。慄
我呵。那管他山頭野燒。只落得一聲長嘯。

收江南

呀。你還記得患難相從有謝翱。今日裏天

上人間不共鑣。成仁取義自君標。貫日虹應繞。始
信道萬古雲霄一羽毛。小生鄒淵上早間謝皋羽

匆匆出門。不知往那裏去。日已晡矣。尚不見歸。我
且尋他回來。同飲幾杯酒。以遣岑寂。問介小厮們
可曉得謝爺往那裏去了。內聞在子陵臺上。小生

我也久不到釣臺了。且去眺望一眺望。見介。臯羽。
兄你在此做什麼。生我在此哭莫文丞相。小生弟
亦久有此心。何不與我共之。生本欲相聞。恐耳屬
于垣。只得瞞了你。小生哭得好。哭得好。自阮嗣宗
死後。空山無哭聲。千三百餘年。于茲矣。你今此一
慟。堪與鐘球並鳴。與風雷俱震。奕世而後。又誰爲
繼其聲者。

南嶺南枝 生君臣義首共搔。當年兩人同幕寮。忍
看麥秀漸漸。遂付與閒花草。你淚頻澆。我心如搗。

這裏懷誰知道。

前腔 眞頭生當年車笠在從來生死交。但使身名無忝。縱到嚼齒穿斷。也不管加封號。丞相已死。我與爾心亦慰矣。從今後富春山兩足標。月沉江同一炤。

藏血三年化碧時。杜鵑啼上最南枝。
山前有客祠彭越。塞上無人斬郅支。

潮
花
奇

衛花符

伊令堵廷蔡著

踏莎行

末上

小院清清。關情碎碎。亭邊夜月焚紅。

膩。辨香祈壽。賜花枝。休教三月爲花世。若個兒郎。不因春殢。哭花何似安花智。崔郎粉本傳紅幘。海棠花下星星記。

正名

小園清聚多文女

朱幘立淡煞風姨

第一勸南呂蕭豪韻不犯不重

詞曲妙處
不在用事
但實題却
虛衍不得
此作點染
幽情結搆
玲瓏雋味
奇色生動

雜扮二青衣仙妝雙鬟上集唐疎庭桐伴宿風烟。

此夜西亭月正圓。若但掩關勞獨夢。天桃窗下背
花眠。我們是陶李兩家青衣、寄居洛苑、左近有個
崔郎別院、雖則蓬蒿滿徑、儘也清雅幽閒、俺夫人
和二三女伴、每遇春時、或結隊踏青、或相尋闢草、
也常到他那林亭裏、吟風弄月、抹雨梳烟、今日欲
過上東門、與封家十八姨一尋佳會、特遣小婢子
先行告知、那崔郎自是韻人、定是不嫌唐突、正是
雖然不是桃源洞、春至桃花亦滿溪。

首句本作
仄仄平平
仄仄平平
從近體那
一仄字舊
作平平仄
不起者非

傾畫眉。生上九十青青付寂寥。閒中景味自蕭騷。

爲甚採苓歸後恁無聊。你看林子外一片夕陽淺。
紫前山照閒汲清泉灌藥苗。艷以淡中得媚幽成。
雋翁。雖復遊人間。蠅寄塵不紅。小生崔元微是也。
興耽水木。侶結漁樵。虛室雲巢。卜隣花吉。以天寶
初結廬洛苑之東。負水澆花。斲烟栽藥。物性漸通。
老圃幽娛。不愧山翁。真是坐卧皆遊。桃梅作曆。好
不瀟洒。今晚皓月初升。一望採烟織翠。則這小圃
中。又別是一番景致也。

不是路

霧幄烟綃處。士幽棲。浸月凹。內作青衣語。

云那翠疎疎。青曲曲。棘籬藤架。左首小紅亭。便是

崔家也。生做聽介。是何處。女郎聲音。難猜料。三三

兩兩過蘅皋。珮環飄。青衣入見介。崔先生。生覩介

只見低鬟掩黛雙痕小。敢一徑春風誤柳橋。青衣

先生不須驚怪。俺家西居洛苑。夫人偶攜二。三女

伴。探客東門。乞借佳園小停。使妾先來奉告耳。生

原來如此。小娘子。恁夫人欲來時。憑瞻眺。怕吾廬

未合神仙到。重煩青鳥。重煩青鳥。青衣下。生坐待

介老旦淡黃舞衣旦淺紅衣貼雅淡妝小旦緋紅
衫青衣隨上老旦楚楚腰肢葉葉身旦貼春風今
古住東隣。老旦空歌舞袂聽黃鳥。小旦好整紅衫
侍玉人。老旦行來已是他家也。李家姐聞那博陵
處士高寒疎淡。不愧清流。貼那有我輩相知。非是
風塵物外。旦俺們爲探十八姨來。怎只評跋書生。
忘却正事。小旦陶家姐爲甚的直恁怕他。

前腔雪彩霞標我輩風流亦自脩。那十八姨呵他
偏驕傲。倚著輕盈少女逞虛囂。妹子想來一任他

催花夜發承丹詔。你們呵。便拜下風甘。我不抄旦。

且見過主人。再來叙話。恐崔生候久。貼怕書生誚。

且移蓮步臨仙嶠。漫尋歌笑。漫尋歌笑。衆入生見。

介生呀。今夕何夕。見此衆者。老旦頃已令女奴相。

告。正不識俊石紅亭。容雙成少駐否耳。生說那裏。

話。但草亭未常設榻。只此湖山石畔。書草成茵。可。

以小憩。衆坐介。青衣攜盒上。茶旦扮封十八姨上。

集唐小如烟。氣散如塵。草綠湖南萬里情。飄樂遞。

香隨日在。閒花落地聽無聲。俺封十八姨是也。楊。

家娘子與陶李石醋諸姊妹期我于洛苑之東不免走遭兒青衣上遇介呀俺娘子們已在崔家院中等候夫人又矣便請相見衆笑迎介老旦此間林亭不惡且主人甚賢恐他處未必勝此特留相待茶旦如此甚好生出揖介草草塵徑獲垂清光使我風月平分林泉生色衆旣見君子載喜且狂衆侍兒看酒過來衆送酒列坐介

掉角兒序

衆啟芳筵回榴萼桃薦霞觴交梨火棗

幸飛瓊吹來碧霄我輩呵抗塵容暫同班草衆起

舉觴介十八姨可滿引此杯。今夕願借十八姨一段風流。成此佳會。一任你轉蘭叢移蘋末。度秦簫飄玉笛。占盡逍遙。從今以後呵。添紅點綠。花明柳嬌。惹得詩人賦道。不鳴條。萬年枝上。五緯祥飈。

前腔

茶旦俺展輕裾。烟靄紛搖集羣芳。丰姿綽約。

向老旦介問章臺誰記長條。指旦介怕去年人難。

尋舊好。茶旦起舉觴介諸卿各滿引此杯。小旦獨。

不飲介茶旦石卿如何不飲。小旦天性不能勝酒。

茶旦石卿休得推辭。請飲此酒。祝卿多子。小旦變。

色介此亦何與人事煩姨見祝茶旦冷笑介小年
人乃任性如此茶旦執杯強小旦飲小旦推酒酒
傾介小旦不悅起立介十八姨何獨見侵將人衫
袖都淹了茶旦怒介石卿好不解人意俺便倒金
尊傾綠蟻。澣紅裙。淹殷袖也。索相饒。衆起勸介十
八姨俺家妹子呵他天情如火。這衫兒呵丹華似
潮。衆向小旦介妹子你這女兒曹做附耳低唱介
須念今朝此席爲他特地相邀。生起勸介

前腔生幸羣仙挈伴遊遨。小園林頓成瑤島。竟何

妨酒數推敲。越顯得主賓傾倒。今夕此會呵。真個是夢三生圖一笑。遇雲翹逢晨肇。忍忽相拋。茶旦起行介。主人也不用相留了。試看星移珠斗。月轉銀濤。向衆旦介。謝相招。便彩雲輕散。後會非迢。衆散介。生正是散客出門斜月在。兩眉愁思向橫塘。下四旦復上。老旦怎的了也。貼適間石妹陪他個禮。纔是主人之道。小旦何必如此。姊們只隨我來。復入介。生復上介。諸卿何又回轉。小旦特有求于處士耳。娣輩皆住苑中。每歲多爲惡風所撓。常求

十八姨相底、頃以杯酒之間、逢彼之怒、恐不可保、
煩處士每歲旦作一朱幡、上圖日月五星之文、立
之花東足矣、今歲已過、只此月二十一日、平旦微
有東風、立之亦可免難、**生**敢不奉命、**衆**旦多謝了、
我等告辭、更圖後會、**生**別先下

尾聲**衆**風花原自常相保、只有一種雌風妬未消、
試畫一幅日月星辰將妬療

第二齣黃鐘齊微韻不犯不重

生執幡上**集唐**不堪芳草思王孫、環珮空歸月下

魂亦有微緣。兩相衛。梅花書屋近桃源。前者夜集
女郎紅評翠。誰真個是清宵半刻千金好。花月三
更一笑春。只此段邂逅奇緣。也是前生三峽。那女
郎囑我立幡東苑。以避封姨。我却也知他來歷了。
咳。香魂艷魄。何地無之。但非夙具根因。却也招之
不至。我崔郎儘有些僥倖也。今日已是二十一日。
且向苑中護持他們去來。

玉女步瑞雲 **生** **花信頻移** **林圃暗吹芳氣** **問開落**
可盡關青帝。呀。說話之間。果有風從東方來也。且

詞序如爲
日月星辰

就百花深處、豎起幃兒、立幃介、生做看幃介、前夕
諸女郎、囑付我圖日月五星在幃上、倒也位置停
妥、只是一件、難道我崔元微、止呆呆的守著幃兒。
在此瞻風望氣。須是竭誠保佑他一番纔是。幃兒
上雖沒有甚神祇名號。則這日月五星也儘該欽
敬了。不免一一的向他禱告則個。東向拜日介、日
呵、你且出扶桑路。遙升若木枝。雲間五色滿。霞際
九光披。今日我崔元微在此禮拜呵、

畫眉序 披丹禮朝日。則見流彩騰輝麗東壁。早枯。

作頌
多用入作
片上者亦
今每以此
見奇詞隱
亦云巧將
入韻埋藏

名不名

七

夷。生。暖。薜。華。如。織。俺。則。待。假。陽。和。點。破。陰。霾。仰。羲。
光。漸。回。蕭。颯。傾。心。竊。願。同。葵。藿。愛。戴。清。和。庇。江。筆。
禱。日。已。畢。此。時。日。已。東。升。月。猶。西。掛。恰。稱。我。拜。月。
也。西。向。拜。月。介。月。呵。你。迢。迢。同。千。里。孤。高。淨。九。圓。
從。星。作。風。雨。配。日。麗。旌。旗。我。在。此。禮。拜。呵。

前腔幽懷訴明月。則見清冷香珠廣寒結。便你也
不。久。團。圓。却。可。也。顧。瞻。儔。匹。只。月。中。丹。桂。呵。幸。仙。
姿。耐。露。禁。霜。若。人。間。桃。李。呵。盡。柔。條。怎。受。雨。殘。風。
劇。只。願。你。三。春。占。定。嬋。娟。夜。莫。待。他。銀。燭。高。燒。焰。

狼藉。如今再通告天上星辰、拜星辰介星呵、你經緯連三極。光華燭九垣。填橋成宿好。聚井卜文纏。我在此禮拜呵、

前腔。摳衣叩辰極。東井西垣自歷歷。便畢情箕好。怎生依得我。崔元微。今日呵、剛照人半點花星。眇愁予一絲風隙。願携牛女綢繆。意喚轉石尤乖劣。禱祝已畢。却又斜陽西下也、

下小樓。情畢念他安吉。小金衣未殘紅驛孤烟。一片春園夕試把心兒細想。怎盡是書生之力呀呀、

是好微倖也、你看苑外光景、想都被風摧折來、那
幃兒果得力也、方從廣苑圍紅紫、却返荒齋省薜
蘿、**虛下**老旦旦貼旦小旦上介旦是虧了那生志
誠也、小旦我、說不要愁、那封十八

鮑老能合狂飈自歇、鵝黃舞衫飄瑟瑟、微酡小臉
紅、昔昔蜨粉留蠟珠、攢腥脂溢生生、剪石廳雲汁
依依、向碧遮芳、翊他若春春、在春春、逸貼那生與
人以德而不驕其容、便勝十八姨多少、**旦**他雖不
自德、我輩何敢忘之、**老旦**只是何以爲報、**旦**富貴

功名俱男兒所自致。况這也何足重他。只報之以
長生便了。小旦既如此。我們各裹桃李花數斗贈
他。服此却老延年。與天同壽。可也。報德不淺了。衆
正合如此。衆各裹花行介。

滴滴金

合想人間憐憐惜惜。是這三春節。怎知他

小小春幡恁停帖。紅亭紫陌皆寧緝。這餘芳猶似
純嘏錫感深。還歎息雋兒郎。食花過軒曆。永受這
長城覆翼。想崔生此時。還未睡也。叩門介。崔生。崔
生。生上介。

雙聲子

清宵逸。清宵逸。想女伴重停軾。

衆見介聞

玉舄聞玉舄。循池入。慇懃武作謝介崔生崔生多。

謝你保護之德也。承扶掖。承扶掖。便重來石上。此

恩無極。生惜月憐花。是書生分所當然。何謝之有。

衆旦太謙了。各贈花介。俺姊妹行無以爲情。各覓

桃李花數斗爲壽。此花非人間所有。服之却老延

年。只今暫住花間。異日同歸天上。生力微恩重。何

福能勝。

尾聲

衆仙郎自具神仙質。巧借十八封姨。增護惜。

生。但。願。世。世。生。生。衛。紅。碧。

零落逢春倍黯然
一身憔悴對花眠

南園綠草飛蝴蝶
薄日青山哭杜鵑

集唐

天若有情天亦老
月如無恨月常圓

偶翻疎調歸紅史
慰否東風花少年

鯉

得

淺

鯁詩識

土室道民著

吳越王尺水文龍

正名

貫休師孤雲野鶴

末扮貫休上積火然薪十載餘、清泉消盡瓦鐫枯、
而今爐竈無安處、自畫寒灰寫舊圖、老僧貫休、鍾
陵人也、俗姓姜氏、幼習儒風、少壯時、遊學長安、與
新定方雄飛、衡陽曹夢徵、爲文字之知、只爲我法
不借、以此聲氣寡通。人熱羞因。遂爾身名蹉跌。後

值賊巢煽逆冠蓋摧殘老僧以未際亨衢幸離厄
運因此上拋下了顏孟家緣寄迹在威音籬下棲
住蘭溪和安寺長安天子賜我法號喚做禪月大
師今已二十年鐘梵雖親筆墨未廢想我半生形
骸萍梗原不想到擇木求安更見人世眉目風波
懶得又去入國問禁十數年內十立君五易姓都
做俺東壁角返照的餘景只好與蚊兒作緣二六
時中三食飽一覺眠總銷他北邙頭告假的飛光
間共那狗子說法目今列國蠻爭中原瓦裂則俺

住的這塊土兒、又是吳越錢王的分界、俺想西蜀峨眉、原是文殊道場、若得於此棲遲、可了暮年時日、爲是別了寺主、持鉢西行、已渡越江、來到武陵境上、那錢王聞我入境、著所在有司、迎取入見、禮遇之間、甚見優沃、又要我主持天竺香火、我相此人、外貌雖則簡易、胸中甚是滿盈、可與暫接、難以久遊、况俺發念、原在西川、豈可中途灰棄、這也不在話下、昨日一路行來、見那些殘山剩水、滿目淒其、想此時天下、更無一人也阿、

鯁詩識

二

點絳脣。廿載逍遙琳宮月。落霜簷曉。百二煙消。打動閒煩惱。

描出小朝廷氣象

混江龍。英雄多少。都是些楚猴秦鹿。墓門鴟。弄得來皮枯血沸。額爛頭焦。盲魚破浪。跛鱉乘潮。幾曾見星文東聚。止有那日脚西拋。狠嘍囉。硬生生。稱孤道寡。頑廝養。羞答答。問道臨朝。草竊得一州二縣呵。便當是孟津塲。微盧應響。挨延得一世二世。呵。又道是西京廟。文景承祧。十字街。一班兒使鎗賣藥的。繫了印。便是他五雲臺。韓彭衛霍。三家村。

有幾個舞文弄法的。執了簡。便是他通明殿房杜。
蕭曹。隔山頭。建幾處青紅黑白壇和社。纔眨眼。早
換却雲日陰晴。暮與朝。百忙裏一聲鐘動。景陽樓
下。塲頭。三秋風捲。咸陽道。只受用得城門與櫬帥。
府銜刀。外扮吳越王上。一箭飛空落海潮。何如烏
喙飲江醪。江南江北烽烟滿。遙望神州殺氣豪。寡
人吳越王錢鏐是也。只爲五姓爭雄。普天鼎沸。俺
這江南一帶。地勢阻遠。近日徐知誥截江而王。據
了金陵。自稱南唐。俺想這些沙陀雜種。自救不了。

那有工夫爭到這個所在、因此亦據武陵、建號吳越、西界梁溪、錫山、南止仙霞關一派、建國已來、兵強士勇、狎主東南、又見那李氏舉微、頗有北略中原之興、只爲諸雄犬牙相制、轉恐怕乘我之虛、以此憂疑、常懷不足、笑科正是人苦不知足、得隲復望蜀、昨日蘭溪衲子貫休、來到西湖、此人習靜二十年、兼且少年、原是個知名秀士、必曉得古今成敗之數、和那將來興廢之機、昨乍會間、未便詳問、今日閒暇、正好商榷一番、已著人去召他、料應卽

到也。內。山。大師到了。末。上。大王。貫休稽首。外。上人。
少禮。請坐了者。作坐科。外。寡人素聞上人。名播長。
安。今學道二十年。定然有得。且喜今日辱臨。也是。
俺國合當興旺。寡人願奉社稷。以從上人。你把向。
來履歷。說與俺聽者。

汕葫蘆。末。俺止見那萬古雲霄一羽毛。把悶儒冠。
一旦拋。莽乾坤。日夜波濤。鬼門關。占不上攀龍笏。
犯星槎。撐不到蓮花沼。芒鞋邊。青山繞。兜帽上。碧。
雲撩。望峨眉。秋影向寒空。弔。歷歷海天饒。

天下樂

因此上柳條橫担過野橋。輕桡溜晚潮。覷

湖山一抹似鵝籠罩。盆景兒雙峰。繡針樣六橋。把

做兩京般妝裹了。

外

哦。原來上人要往西川去。想

是俺這裏地方涼薄。留不得高賢。這個却也不好。十分相強。只是目今且寬住幾時。諒俺吳越雖小。還不爭這幾頓齋兒。一領袖袍兒。幾間淨室兒。上人也莫要小覷了俺家。叫內侍鋪設供養。則寡人與上人偕席。叫兩班文武向前作禮者。雜擺設衆官作禮貫答科。

那吒令

末

呀早列著吉爭爭穿雲的九韶。燄騰騰

三農的血苗。更那玉生生五湖的俊髦。紫貂兒漾

目鮮。展翅兒迎風掉。一個個驚頸鵝腰。外上人俺

這裏與西蜀雖則相遠。那些邊疆上採訪的一般

兒也有信息。杓到俺這裏來。俺聞得孟昶耽酒好

內料。他縱然負險。也是枉然。上人你千山萬水往

他國中。到那其間。萬一有些些差悞。豈不枉了這

一場奔走。上人你索仔細兒想一想。

鵲踏枝

末

道是他醉醅醕。脂粉巢。大王那孟昶怎

累得老僧也縱饒他地塌天頽。怎擺佈得我水濶
山高。背科我想休語道旁觀清當局迷。我想如今
人指摘別人張長李短。滿口聰明說得來到也不
甚差遠。只是那正說時節。却不知自家身子放在
甚麼所在。怪不得俺家臨濟下一派。但見個人纔
道一句。便硬著手腕。曳個棒兒。一條鞭直打到沒
開口處。方纔了却。如今人那個知道也。但憑他莽
男兒開評浪討。怪不得俺瘦瞿曇瞎打盲敲。
外上人你博通經史。定曉得古今成敗之數。今日須一

椿椿誦與俺聽者

寄生草

末。蠹舌留殘料。蠅頭戀舊巢。這二十年前

的活計。貧僧也忘教多時了。有幾個蘇臺麋鹿迎風嘯。昆陽牛馬供人弔。更鬱林烏鵲臨流悼。早知道我成我敗。不由人在了。那浮經浪史。漫天套外。聞得禪和子說。如來入定時。無量恒河沙界。種種變相。一切入慧眼觀看。無有遺漏。則上人與如來也只差得一個階級兒。你道如今英雄並起。這家稱帝。那家稱王。畢竟這答江山終屬誰手。上人你

不吝漏洩、則明的說與寡人道者、末這個可也不
知、外上人休謙、請便說者、

么末謊圖識沿街抄測星辰終夜勞止不過莽荒
坟漏出青熒照野狐千偷走旁蹊調把太虛空生
鑿出千般竅算將來南箕北斗總則是爲民勞須
知道東家西舍都一樣看承好、外背科是我差了、
他們和尚家最忌說人禍福我恁般明的問他、
他怎肯便對我說是了、我一向聞得他會吟詩想
來古人也有詩中寓識的、我如今只問他索詩便

了。轉科上人別的話休饒舌。只今日佳會不可無詩。你肯作詩一首贈與寡人否。末這個使得。

六么序

十年閣三都管。萬人驚七步謠。只辦得喚

鴨呼貓。

舉筆科

恁著我鶻落林臯。壁瀉江濤。風捲

煙消。簇發雲搖。

落紙科

放雲箋光芒未了。算纖靡

不類清平調。盼十四州毫端縹緲。教一波淹殺郊

和島。再休疑鷄壇首唱。還則向鷲嶺先標。外念科

貴逼身來不自由。幾年辛苦踏山丘。滿堂花醉三

千客。一劍霜寒十四州。萊子衣裳官錦窄。謝公篇

詠綺霞羞他年名上凌雲閣豈羨當時萬戶侯好
迅速也

么末

俺則輕撩漫嘲原沒甚吟髭彩毫錦袋詩瓢

買茶調羹
聖詩本
是頌語此
以詩識視
之更占地
步

也不會門戶推敲酸辣烹調瞋去樹梢走入醋槽
三江四豪一先二蕭接李移桃頌帝稱堯生撞入
文字籠牢剛稱著和西風昏鴉鶚野碓音飄添註
個贅三生微笑那裏有噴將血唾止喚做印出心
苗外背科哦他道一劍霜寒十四州屈指科原來
俺如今地界恰有個十四州難道自此後更沒開

廓去處了、轉科上人、寡人還有一言借問、未知聽
得否、末貧僧敬聞、外方纔詩上說、一劍霜寒十四
州、倒也考據得的、當只想寡人起目徒步、奄有東
南、若論俺家本色、原不曾有一椽一瓦、何處得十
四州來、若說向後來事、俺吳越志非小可、豈止十
四州便了、卽不然呵、成則爲王、敗則爲虜、世上功
名、非增卽減、終不成這十四州、便是生鐵鑄就的。
上人、你道俺話怎麼、末這個可由貧僧不得、大王、
你自去做者、外如今要你改作四十州、你意下何

如末笑科大王恁去却一隻眼了也

後庭花

猛叫我做貯胭脂。逢時少擔黛綠。尋京兆。
贅葫蘆三頰毛。叫春閨百舌鳥。大莊嚴脂軟了。峭。
旖竿生按倒。八風場搖頭鼓腦。看承得一似弄蛇。
歌闌闌號打油腔。胡亂鬻。止博著爛黃齏酒半瓢。
解甚麼文園賦。屈平騷。怪不得莽福衡江夏拋窮。
杜甫錦江逃。也只爲硬頭顱生性。喬俊龐兒不耐。
描恁教俺把前詩改一遭。這也不費俺甚氣力。只。
可不折抹殺舊根苗。好笑我貫休九入長安。不知。

風塵中混過幾多日月。那一輩鄉里少年。幾番兒
都使著順風帆。洋洋的去了。那時當道豈無一人
識俺爲甚麼進退無緣。直消得與空王作伴。都只
被這條拗不折的脊梁。累得如此。俺貫休早年若
肯改這一字呵。不要說拖青曳紫。先掙上彤閣仙
班。只怕灰滅烟消。早做了黃沙怨鬼。貫休。你還差
與不差也。

柳葉兒

早拚得狐頭帶。令逢當道。少不得狗尾貂。
隨盼早朝。枉了我十年鳳閣瀛洲棹。那些個明河

岸乘槎早。鬱輪袍新製巧。怕只怕遇了黃巢大王。
貫休想起幾椿舊事兒來。當時苻堅南伐。自誇說
投鞭斷江。止遇那朱序一呼。冰山瓦解。恁試說那
八公山的草木。與那百萬雄兵。誰強誰弱。就如曹
孟德這個老奸。豈不是蓋世英雄。據他臨江橫槊。
那般氣焰。可不便把三江五湖。一霎兒填做陸地。
只那一陣不做美的東風。吹的落花般相似。大王。
恁試想來。莫怪貫休鹵莽也。

元和令

總是這短江流。衣帶條。却緣何到臨歧鞭。

一覽衆山
小
相如圖識

較小。甚無情。風鶴也去閒相嘲。便狡曹瞞。憔悴倒。
空仔望春風。銅雀鎖雙喬。只落得望南雲。魂夢搖。
我想這十四州也好難哩。

青歌兒量江線一條條。波心弔馬繁纓。一絲絲日。
下裊。那裏是山河一擔挑。算將來月落山腰。漏轉。
林。切風起雲飄。現見冰消。日月爲昭。燭火誰驕。懾。
伏雄梟。涵泳蛸。翹人物蕭曹。世界唐堯。山海兼包。
聲教聯絡。今日呵止好。祝他睡驪龍。還一覺笑科。
外。上人敢笑著寡人麼。末。怎敢笑大王。我笑那貫。

休這老皮囊他做了二十年習靜禪和子倒去管
人間是閒非豈不顛倒相麼

醉中天

一榻諸天繞三更清籟迢爲甚的擔却瑣

漿賣野醪險些兒乾被蜻蜓笑大笑科我省得了

如今波翻世界處處難容便到西蜀也只是如此
止靠著眉山頭這點點雪兒也捱不住漫天的熱
焰怕吳江楓老巴川雲擾到其閒一樣無聊

醉扶歸

這些時祇林畔拈花笑寶幃前貝葉描抵

多少獻賦蓬萊奪錦標覷不上閒花鳥便做玉樓

起。草。少。不。得。被。那。蠢。仙。官。催。易。稿。貫。休。謝。大。王。供。養。

煞尾

一飯受恩饒。七字銜冤小。數峰西。冥鴻天矯。

綠盡吳山山又繞。幻影浮泡。王公闕。九牛毛。準備

着倦鳥投巢。這芳草天涯。何日是了。大王恁休胡

思亂想。州亦難添。詩亦難改。孤雲野鶴。何天不可。

飛。只看孤雲兒疾飄。野鶴兒朗嘯。直上九蓮臺。風

遞梵音遙。竟下雜稟大王那大師一徑去了外野

僧無禮。由他自去。你們且看寡人得了中原。他將

甚而兒來見我、叫衆官且退、則內侍們伏侍還宮者、衆官乎拜先下外、左右內侍弔場

集唐

衆開士幽方祇樹林外、向余東指海雲生

衆莫思世上無窮事外、且鬪尊前現在身下

風
流
塚

風流塚用韻不借不重

仲愔鄒式金著

正名

平康巷題遍柳枝詞

樂遊原灑盡紅裙淚

第一折

婉媚清新

遊池遊

生冠帶侍從家僮隨上風流高選薄宦來

江甸縱襟期調鶯趺燕旅況浮沉春光深淺儘才
名娛人少年左右迴避侍從下生集唐數首新詞
帶恨成醉聞花氣睡聞鶯畫圖省識春風面贏得

詞中三昧
別人未道

青樓薄倖名。自家柳永字耆卿。建寧崇安人也。賦
擲金聲。詞霏玉屑。胸羅今古。曾讀未見之書。紙落
雲烟。盡是驚人之句。本期看花上苑。驤首天衢。爭
奈技拙吹竽。時乖按劍。因此猖狂失志。聊復遊戲
塵間。批風抹月。溫柔鄉裏作生涯。湯雨饑雲。脂粉
叢中閒過遣。咳。禮豈爲我設。何妨挫折齒之梭。女
當悅已容。寧必解江臯之珮。不知者謂登徒好色。
我原等於阮之屐。嵇之琴。知我者道謝傅情深。要
不過是空中花。水中影。向來隨親游宦。浪跡東京。

有三個行首陳師師、趙香香、徐冬冬、與我最相契。
厚近日增定大晟樂府二百餘調、偶被薦舉、除授
浙江餘杭縣尹、雖然柳下惠不卑小官、那柳柳州
可是百里才麼、沒奈何只得別了他們、前來赴任。
今日已到江州了、你看飛絮飄零、流鶯睨睨、雖則
王程緊急、難禁旅館淒涼、聞得此間有個名妓、喚
做謝天香、才色雙絕、不免屏去從人、獨自訪他去
也。換衣冠、僅下生行介。

梧蓼金羅生芳草。傷心地。斜陽目斷天幽意。罨前

川步蹁躚。溪迴路轉。且自潛踪秘跡。私訪若耶邊。
怪桃李笑無言也。囉。迤邐行來。則見江籬漠漠。水
荇田田。杜宇聲殘。啼出武陵春怨。世間功名付之
志士。風調讓與才人。二者不可得兼。我柳永今生
若得遇一絕世佳人。吾願足矣。只怕佳人薄命。無
由締緣。只怕文人薄福。無端受愆。千金一刻。忍把
韶光賤。虛下

菊花新 旦上 名花氾露占春先。無力風前鬪麗嬌。
凭徧寶雕闌。誰識芳心一點。集唐獨眠人起合歡

牀。解愛臨邛賣賦郎。魂夢只能隨蛺蝶。秦山楚水
兩乖張。奴家謝天香。跡寄風塵。心同冰雪。幼弄音
文。竊怪窈娘致淺。近工詞翰。不矜蘇蕙才多。敢輕
私地愛王昌。真有風姿迷下蔡。聞得東京有個才
子。喚做柳耆卿。資性聰明。天才俊逸。慣解憐香惜
玉。偏工選色徵聲。姊妹們無不敬慕他。因此競相
傳說道。不願穿綾羅。願依柳七哥。不願君王召。願
得柳七叫。不願千黃金。願得柳七心。不願神仙見。
願識柳七面。只是相去路遙。怎麼能得他來。但捧

誦他所做的樂府字字清新言言香艷真是個詞家名手奴家手自抄輯終日吟想只當見他便了天那奴家在此呵

梧蓼金羅

小巷迷香徑紅樓鎖翠烟車馬任喧闐

強熬煎春愁自嚙拋却舞衫歌扇長自擁衾眠咳柳郎柳郎可有與你相逢之日麼盼得人眼兒穿也囉浮萍逐浪飛絮憑風露水因緣可是三生愛眷想古來小小真真輩都藉才人傳名後世只是能得幾人也有才郎年少虛費香奩錦牋也有紅

顏傾國。冷却妝臺翠鈿濃。華逝水。搗得春纖倦。身子困來，不免少睡片時，則個睡介。

懶畫眉 生上 穿花度柳訪幽媛，只見流水橋邊隱畫垣。牆頭閒架舊鞦韆，想是他家了，其中別有深。深院金屋葳蕤貯麗娟，不免竟入呀，好一個幽雅。的所在，你看一簾花影，四壁圖書，全沒半些俗韻。**前腔** 筆牀翡翠壓華璫，研匣琉璃墨浪鏘。牙籤錦軸富瑤編，那邊几上一小冊，上寫著柳耆卿樂府。呀，怎得有此，且是寫得端楷，又裝潢得精緻，則問。

他孜孜柔翰情何遠。還問他天上霓裳何處傳。裏面有人麼。

前腔旦上春眠香夢一絲牽。不覺花陰度玉磚。鸚

哥來報客臨軒。則俺竒葩久護無人見。幾遍含羞不自前。見介生小娘子拜揖。旦官人萬福。生做狂

喜介

前腔生喜驚殊妙出天然。何異輕薄紅綃覆白蓮。

旦呀。這的是夢中擲果七香旋。合相逢一笑如相

善。可是夙世曾逢歡喜冤。旦官人何來。生偶然春

遊到此、敢問小娘子、案上之詞、何人所作、**且**此是
當今第一才子柳七詞也、妾愛誦手錄、置之案間、
但恨無緣、未得一見、**生**天下詞人甚多、何獨愛此、
旦他描情寫景、字字入神、如斷鴻聲裏、立盡斜陽、
今宵酒醒何處、楊柳外、曉風殘月、此等他人不能
乞其一字、**生**如此說來、小娘子果然別具雋眼、名
下無虛、若小娘子欲見柳七、則小生便是、因赴任
餘杭、久慕芳名、循途相訪到此、**旦**數載相思、一朝
頓愜、今日何日、有此良覲、妾生平之願足矣、此詞、

卽、吾、媒、也、官人請上、奴家有一拜、
生 小生亦有一
拜、拜介

桂枝香

生 百年嫵婉。霎時酬願。況是咱江海波臣。

怎望及蕊珠仙媛。做覷旦介。覷他秋波欲溜。秋波

欲溜。腰肢嬌軟。可人憐。弱柳隨風舉。紅蕖出水鮮。

前腔

旦 乍逢歡忭。翻增廼腆。承謝您柳絮多情。賺

出我桃花一片。你才高七步。才高七步。時名獨擅。

今日謝天香好僥倖也。託仁賢。久願隨簫鳳。今朝

託錦鴛。

小旦上

彩毫揮露色。銀燭動花陰。姐姐、席

已擺在山亭上。請裏面坐。生旦攜手同行介。

琥珀猫兒墜

合

水輪初上人。與月俱圓。合卺杯傾。

詩酒筵。解襦。滅燭。還索定情篇。纏綿願作鴛鴦不。
羨神仙。

前腔

春深如海。人上五湖船。翠被剛薰。嬌髻偏。輓。

轡聲斷。慢俄延。留連。向碧紗深處。細數心肝。

尾聲

情魔詞癖。相縈縈。這春心宛轉難詮。莫把風。

流喚做顛。

集唐

重見雲英掌上身。

楚腰纖細掌中輕。

風流才子多春思 同有詩情自合親

第二折

齊天樂

外扮呂丞相堂候侍從隨上沙堤新築君

恩重。祭戟車填馬擁。鼎鼎調元。星辰曳履。競道清風作誦。非熊入夢。怕莫邪躍冶。泛駕羣空。指點鵷行。幾回搔首羨冥鴻。闐闐千門萬戶開。五雲多處是三台。太平天子朝元日。北闕晴空采仗來。自家呂夷簡便是。官居宰相。職忝論思。今上側席求賢。處懷下士。近日翰林員缺。有個屯田員外柳永。自

呂公名臣
其論不錯

餘杭令陞任來此、頗負時名、我因誕日、求他一詞、
他筆不停綴、立就呈上、也做得儘好、就中夾帶一
紙、道我不求人富貴、人須求我文章、這等輕薄、如
何入得天祿石渠之選、養成台輔器量、咳、只可惜、
了他胸中錦繡筆底烟雲了、聖上將次臨朝、只索
待漏去、

出隊子

末扮宋仁宗引內侍上、紫薇端拱誰扶堯

日慶雲中訪落常勤賦采葑、皇猷黼黻藉羣雄、旁
求大雅用補山龍、
外見介願吾皇萬歲萬萬歲、
末

昨日吏部薦稱屯田員外郎柳永才堪大用擬入翰林卿識此人否外此人雖有詞華但恃才傲物全不以功名爲意現居郎署留戀章臺若重用之恐壞士習他有西江月一詞恭呈御覽末看介原來如此內侍取筆硯過來衆應介末批介柳永不求富貴誰將富貴求之任作白衣卿相花前月下填詞

剔銀燈外論詞華儘自精工笑疎狂柳吟花弄玲瓏石做不得中流柱艷陽枝充不得大厦棟饒他

藻思誇晃董。待附雲霄。怎擔承破格登庸。

前腔末。魚和水千載難同。那吝和驕。一人常共傲。
蒹葭偏不傾葵藿。誠奏和鸞。怎好強麋鹿。用空勞。
睿思漪蘭詠。小才華一任做住山翁。

尾聲九重雨露天邊寵。謾說著雲起龍從。却笑他。
瓠落差堪江海容。

第三折

憶秦娥生引僮上。分飛久。桃花人面依如舊。依如。
舊。千里相思。一朝輻輳。旦引侍兒上。粉銷香滅。菱。

花瘦東風一夜胭脂透。胭脂透畫眉纔罷。旋將花
嗅。**生**我柳耆卿餘杭任滿。欽取還朝。陞了屯田員
外。雖則職司錢穀。却也冷署清閒。理政之餘。偏多
暇日。未免有情難遣。每念謝天香遠在江州。無從
再會。且喜他買棹南來。可謂不辜前盟。一片有心
人矣。今日同他放舟郊外。閒話湖山。有何不可。**旦**
奴意正欲如此。**同下船介**

畫眉序**生**鏡裏木蘭舟。蓴鱸正美。秋時候。喜卑官
多暇。對景忘憂。挾飛仙蕩漾清波。逞風情倚偎紅

袖。可。憐。顰。翠。描。難。就。恰。映。著。遠。山。明。秀。將。酒。過。來。

衆有酒把酒介

黃鶯兒旦花酒會江州占臨邛第二籌才情還讓

當今柳今日呵麗句探喉新歡入手守宮驗取依然又謾疑眸畫橋十二遮莫是瀛洲雜家童上稟老爺走報人在外生報甚事來雜不應呈報介生看讀介吏部一本爲特叅事奉聖旨柳永不求富貴誰將富貴求之任作白衣卿相花前月下填詞做大笑介原來因此俺柳永好僥幸也多謝聖恩

放假從此無拘無束、蕭散安閒、與卿輩平章風月、
秦樓楚館、卽我金馬玉堂矣、旦相公高情勝氣、自
應如此、只今聖上憐才心切、不久自當內召、生天
香差矣、仕途險窄、怎如罷職的快活逍遙、想我當
初讀書、凌雲志氣、及牢騷失意、變爲詞人、以文采
自見、使名留後世足矣、何期被薦、頂冠束帶、變爲
官人、浮沉下僚、終非所好、今奉旨點落、自由自在、
縱意詩酒、變爲仙人、今後當自署云、奉旨填詞柳
三變、凡有著作、卽署此名、是好一個官銜也、

兒羅袍。世事雲翻雨覆。到如今。休問如脫鷹韉。放
開雙足恣遨遊。是非不上眉兒皺。驂騑千里絲韁
早收。鯤鵬四海虞人罔求。英雄豈入尋常彀。

浣溪沙

旦

花間蝶。水上鷗。偏生識得風波溜。柳郎

你纔道仕途險窄。奴家也想來。鷓鴣班。爭似鸞凰
偶一任他朱衣紫綬。大古是行監坐守。怎如向烟
波深處同消受。今後呵。私心情願。捧吳鉤。生咳。天
香。你可省得麼。世間不獨富貴功名。猶如夢幻。卽
悲歡離合。總是空花。昔日霍小玉負恨花盟。蘇小

風流塚

十

卿終乖伉儷。求之太真。失之轉遠。怎如我和你無心作合。究竟相從。果如所願也。

玉交枝 萍踪邂逅。頓圓成兩意相投。引紅絲自結。同心扣採芳洲。杜若夷猶。試看蘭浦。鳩鵲總並頭。春林鶯燕須同宿。誇醉鄉兼傍溫柔。白衣臣望齊山斗。**旦** 妾自別君之後。閉門謝客。聞君奉召而歸。雖間關奔走。猶未卜舊盟若何。今日果遂夙緣。豈非天也。想起江州一別呵。

臣抱肚 河橋分首。豈道今日呵。倩春風吹破離愁。

爲下作步
是謂情禪

媿凡葩移向朱欄。喜知音肯典鸚裘。烟雲淼淼供
冥搜。偕隱偏宜與婦謀。生天香。你看山淨如妝。水
明如鏡。村落間遍開黃菊。好一派秋容也。

憶多嬌天與秋山與幽兼。謝君王早與休。投綬歸

來遂好逑。大笑介天香。俺柳七今日大悟了也。夢

破莊周夢破莊周。真個其生若浮。旦相公不須感

歎。且請回船罷。

月上海棠君知否。雲衣變幻如蒼狗。人生如寄耳。

但當前快意。何必公侯。謝多才得抱衾裯。願同歸。

風流塚

士

白首丹丘。生天香。從今後。應不負你。憐才一段緣。
由衆已到岸了。生攜旦手介。再和你燈前閒話去。
尾聲。醉歸還酌玲瓏酒。別有一首新詞。佐唱酬。只
怕似水流年不可留。

集唐

結託蕭娘只在詩。何因重有武陵期。
芳筵想像情難盡。何必相逢未嫁時。

第四折

掛真兒

旦素妝上。相思一夜天涯遶。幾年來紅袖

香消。幻夢千場。幽懷萬種。又是清明節到。奴家與

柳郎并合風塵誓同生死相從以後笑談風月。輒
多選韻分題。遊覽湖山。便與攜榼載酒。只道青春
未艾。白首爲期。那知余命不猶。他早中途捐棄。居
官兩任。滿袖清風。所幸香名籍甚。紅裙見憐。千里
會葬。贈賻填委。奴家便當嫡親眷屬。葬之樂遊原
上。今日清明已備下酒肴。不免向他墓上祭掃去。
雜挑祭品隨行介旦想起柳郎呵。

步步嬌文采風流矜殊調。四海聞英妙。如今呵。只
落得心坎自摹描。他荀令姿儀兼謝家言笑。真個

是好物不堅牢。生生看殺人。年少前面便是柳郎。
墓上了。哭唱科。

山坡羊。冷清清雲封華表。靜沉沉牆穿狐貉。響颼
颼松柏哀吟。亂紛紛白楊枯槁。看介。這墓上只依
他平日所言。寫個奉聖旨填詞柳三變之墓。咳。依
稀認姓字。沒蓬蒿。繡模糊。看不曉。石徑橫斜斷
垣頽倒。風騷俏靈兒何處拋。虛囂恁相逢。沒下梢。
柳郎。奴家當年與你呵。

五更轉。爲才情。諧歡好。同品鳳鸞簫。千攔百縱相。

尋討。那時一片心懷。道世上無雙。人間絕少。味綢繆歌窈窕。疑蓬島三星耿耿。將人照。低呼小字。貼身迴抱。

園林好。霎時間風雨漂搖。生拆散鴛鴦。夢寂寥。待向碧落黃泉求遍了。奈巫咸不可招。奈巫咸不可招。

江兒水。難覓洪都客。誰傳續命膏。掩春光。雨葬梨花貌。殺風情。絃斷求凰操。憶多才。淚濺烏絲稿。三尺孤墳。可道百年難保。

玉交枝。精靈縹緲似飛花。何處沾著悲風肯與歸魂導。重叮嚀。野鬼山魃。柳郎柳郎。你生前俊臉。恁輕佻。死後芳魂還繚繞。我想伊時。花朝酒朝。夢伊時。雲宵雨宵。柳郎。你可知我今日麼。

玉抱肚。衷膠誰剖。舊西樓別樣丰標。婚姻簿註定。孤辰相思卦。占了空爻。年年祭掃到墳澆。只當江州訪一遭。
老旦小旦貼旦素妝上。奴家陳師師。奴家趙香香。奴家徐冬冬。相約柳郎坟上祭掃。呀。前面像是謝家姐姐。先在此了。
見介。果然是謝娘。我

等亦爲掃墓而來。且如此甚好。便一齊拜奠罷。同拜奠酒介。

王山頽 擎杯上告淚珠兒。添和香醪酸辛竝蹙春山黛。憔悴難開人面。桃香盟如昨。偏恨我們呵。容易說相從。偕老落葉無人掃。任風飄空向樂遊原上認兒曹。柳郎你如此才情。生前不能大用。這許多詞賦。難道便生生埋沒了。再奠酒介。

三學士 你蘭心蕙質。虎繡龍雕。生憎惹俗眼相嘲。你今死後。空居誰遣。求書使相傍。時吟起牧樵紅。

裙。且。代。青。蠅。弔。歎。塵。世。總。浮。泡。
三。奠。酒。介。咳。柳。郎。
柳。郎。妾。如。今。在。此。叫。你。可。曾。聞。也。

解。三。酲。痛。煞。煞。一。聲。相。叫。慘。嗚。咽。不。似。枕。邊。嬌。想。

著。你。夜。臺。寂。寞。長。眠。悄。銷。銀。燭。濕。鮫。綃。縱。有。生。平。
佳。句。堪。吟。想。怎。能。見。半。點。音。容。破。鬱。陶。心。悲。悼。煞。
強。如。嫡。親。骨。肉。設。醴。陳。肴。侍。兒。你。可。化。了。紙。化。紙。

介

川。撥。棹。陰。雲。杳。悵。分。攜。腸。似。擣。我。和。你。恩。愛。呵。你。

捫。心。不。負。分。毫。我。捫。心。不。負。分。毫。有。一。日。得。耐。東。

郊連理樹長雙條。鵲鵲翼覆同巢。

嘉慶子。生生死死。種情苗。雨雨風風。喚故交。笑癡心似漆如膠。笑癡心似漆如膠。這是地下相思的。榜標東郊外。草蕭蕭。秦樓上。夜迢迢。想人世一切姻緣呵。

僥僥令。圓缺如眠覺。愚醒總鹿蕉。則這一點情根。絲裊裊。憑著他。骨化形銷。不肯饒。

尾聲望。夫臺高築荒阡道。這事只合訴巫山廟。且拈取五色花牋。爲耆卿續舊貂。

集唐

風雨林中有鬼神
手披荒草看孤墳
身前影後無人見
江上陰靈鎖夢魂